

19 04 18

17-2-2367

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

18.04.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյան, վերանայելով Վահե Տեր-Եսայանի դիմումի շուրջ ստեղծված նյութերը

Պ Ա Ր Զ Ե Ց Ի

ՎԱՀԱՅԵ ԱՍԻՆՈՎՈՐՈՒՄ
ՎԱՀԱՅԵ ԱՍԻՆՈՎՈՐՈՒՄ
ՎԱՀԱՅԵ ԱՍԻՆՈՎՈՐՈՒՄ
6295
07.07.18

2018թ. մարտի 29-ին Երևան քաղաքի Ղ.Փարպեցի փողոցի 6-րդ շենքի 2-րդ բնակարանի բնակիչ Վ.Տեր-Եսայանը դիմել է այն մասին, որ ճանապարհային ոստիկանության վարչական գործունեության բաժանմունքի պետ Զ.Կարապետյանի կողմից կայացված ԱԴ 577097 որոշումը՝ իրեն 150.000 դրամ տուգանելու մասին, անհիմն է և չի բխում գործող օրենսդրության պահանջներից: Դիմումատու, մեջբերելով մի շարք օրենքներ, խնդրել է անվավեր ճանաչել իր նկատմամբ 2018թ. մարտի 22-ին կայացված վարչական տույժ նշանակելու մասին ԱԴ 577097 որոշումը:

Դիմումի ուսումնասիրությամբ պարզվել է, որ 2018թ. մարտի 22-ին, ժամը 00:40-ին Երևան քաղաքի Աճառյան փողոցում քաղ. Վ.Տեր-Եսայանի կողմից վարած «Պորշե» մակնիշի 99 NR 999 հաշվառման համարանիշի ավտոմոբիլը կանգնեցվել է ճանապարհային ոստիկանության ճԴԾ 1-ին սպայական գումարտակի 4-րդ սպայական դասակի ավագ տեսուչ, ոստիկանության մայոր Գ.Ավետիսյանի և նույն դասակի տեսուչ, ոստիկանության լեյտենանտ Մ.Սկրտչյանի կողմից՝ անվտանգության գոտիով չամրակապված վիճակով երթևեկելու համար: Ստուգումից պարզվել է, որ վարորդը գտնվում է ոչ սթափ վիճակում, ինչպես նաև վերջինիս մոտ բացակայել են վարորդական իրավունքի վկայականը և ավտոմոբիլի հաշվառման վկայագիրը: Մ.Սկրտչյանի կողմից կազմվել է վարչական իրավախախտումների վերաբերյալ արձանագրություն, որի հիման վրա ճանապարհային ոստիկանության վարչական գործունեության բաժանմունքի պետ, ոստիկանության փոխգնդապետ Զ.Կարապետյանի կողմից, 2018թ. մարտի 22-ին, համաձայն ՎԻՎ օրենսգրքի 126-րդ հոդվածի 1-ին մասի, կայացվել է վարչական տույժ նշանակելու մասին ԱԴ 577097 որոշումը՝ Վ.Տեր-Եսայանին 150.000 ՀՀ դրամ տուգանելու մասին:

Ըստ ծառայողների կողմից տրված գրավոր բացատրությունների՝ 2018թ. մարտի 22-ին, ժամը 00:40-ին Երևան քաղաքի Աճառյան փողոցում, անվտանգության գոտիով չամրակապված վիճակով երթևեկելու համար, իրենց կողմից կանգնեցվել է Վ.Տեր-Եսայանի կողմից վարած «Պորշե» մակնիշի 99 NR 999 հաշվառման համարանիշի ավտոմոբիլը, Մ.Սկրտչյանը մոտեցել է վարորդին, ներկայացել, պարզաբանել կանգնեցման պատճառը և վարորդի հետ շփման ընթացքում նրա բերանի խոռոչից ալկոհոլի հոտ է զգացել, ինչի պատճառով վերջինիս ներկայացրել են «Շտապբուժօգնություն» ՓԲԸ՝ սթափության վիճակի զննության: Ձննության արդյունքում պարզվել է, որ վարորդի արտաշնչած մեկ լիտր օդի մեջ մաքուր ալկոհոլի պարունակությունը կազմում է 0,24մգ/լ, ինչի վերաբերյալ բժկի կողմից տրվել է թիվ 100685 արձանագրությունը, որի հիման վրա Մ.Սկրտչյանի կողմից, վարորդի նկատմամբ կազմվել է վարչական իրավախախտումների վերաբերյալ արձանագրություն, իսկ ավտոմոբիլը տեղափոխվել ճանապարհային ոստիկանության պահպանվող հատուկ տարածք: Վարորդը ծանոթացել է կազմված արձանագրությանը, առանց որևէ առարկություն և դիտողություն նշելու, ստորագրել այն: Ծառայողները գրավոր բացատրություններով հայտնել են նաև, որ վարորդի կողմից անվտանգության գոտիով չամրակապված վիճակով երթևեկելու հանգամանքը եղել է ակնհայտ, իրենց համար պարզ

տեսանելի, քանի որ նշված ավտոմոբիլը երթևեկել է իրենց հանդիպակաց, որի առջևի հողմապակին եղել է ամբողջությամբ թափանցիկ:

2018թ. ապրիլի 12-ին քաղ. Վ.Տեր-Եսայանը, իր դիմումի քննարկմանը մասնակցելու համար, հրավիրվել է ճանապարհային ոստիկանության ՃՊԾ բաժին, որտեղ, գրավոր բացատրությամբ պնդել է դիմումում նշված հանգամանքները և խնդրել է քննարկման արդյունքների մասին իրեն հայտնել գրավոր:

Վարչական իրավախախտումների վերաբերյալ ՀՀ օրենսգրքի 126-րդ հոդվածի 9-րդ մասի համաձայն՝ սույն օրենսգրքով նախատեսված դեպքում անձը համարվում է ոչ սթափ վիճակում գտնվող, եթե ստուգմամբ պարզվում է, որ նրա մեկ լիտր արյան մեջ մաքուր ալկոհոլի պարունակությունը 0.4 գրամից կամ մեկ լիտր արտաշնչած օդի մեջ 0.2 միլիգրամից ավելի է, կամ եթե անձի արյան կամ մեզի մեջ առկա է թմրամիջոցի կամ հոգեմեդիկամենտի պարունակություն: Անձը համարվում է ոչ սթափ վիճակում գտնվող նաև այն դեպքում, երբ նրա արյան կամ արտաշնչած օդի մեջ սույն մասում նշված չափով մաքուր ալկոհոլի կամ արյան կամ մեզի մեջ թմրամիջոցի կամ հոգեմեդիկամենտի պարունակությունը ոստիկանության ծառայողի կողմից տրանսպորտային միջոցը կանգնեցնելուց կամ այդ անձին առնչվող ճանապարհատրանսպորտային պատահարից հետո, բայց մինչև նրա սթափության վիճակի զննություն անցկացնելը կամ սթափության վիճակի զննություն անցնելուց նրան ազատելը, այդ անձի կողմից ալկոհոլային խմիչք, թմրամիջոց կամ հոգեմեդիկամենտ օգտագործելու հետևանք է:


Այսպիսով, կատարված ուսումնասիրություններով պարզվել է, որ Վ.Տեր-Եսայանի արարքում առկա է Վարչական իրավախախտումների վերաբերյալ ՀՀ օրենսգրքի 126-րդ հոդվածի 1-ին մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1.Վախե Տեր-Եսայանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 4-րդ սպայական դասակի տեսուչ, ոստիկանության լեյտենանտ Ս.Մկրտչյանի կողմից կազմված վարչական իրավախախտումների վերաբերյալ արձանագրության հիման վրա ճանապարհային ոստիկանության վարչական գործունեության բաժանմունքի պետ, ոստիկանության փոխգնդապետ Յ.Կարապետյանի կողմից 2018թ. մարտի 22-ին կայացված ԱԴ 577097 որոշումը՝ Վախե Տեր-Եսայանին 150.000 ՀՀ դրամ տուգանելու մասին՝ անփոփոխ:

2.Սույն որոշման օրինակներն ուղարկել ճանապարհային ոստիկանության վարչական գործունեության բաժանմունք և դիմումատուին:

3.Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե.Կարապետյան